

Oqaatsinut politikkiornissamut ilitsersuut

Oqaatsinut politikki pillugu Inatsisartut inatsisaat nr. 7, 19. maj 2010-meersoq aallaavigalugu namminersorlutik ingerlatsisut minnerpaamik 10-nik sulisullit, aamma pisortat ingerlatsivii pisortatullu oqartussaasut oqaatsinut politikkimik ilulisiissapput.

Suliffeqarfinni ataasiakkaani oqaatsinut politikki kingusinnerpaamik ulloq 1. oktober 2010 naammassineqareersimassaaq.

Kapitali 2 Oqaatsinut politikki § 4

Suliffeqarfiit namminersortut ikinnerpaamik 10-nik, ulloq naallugu atorfinnut qulinut naapertuuttunik atorfilittallit aammalu pisortatigut oqartussaasut, kiisalu pisortat suliffeqarfiutaat oqaatsit pillugit politikkimik ilusiliissapput. Aalajangersakkap pisortat oqartussaaffii suliffiutaallu aamma suliffeqarfiit namminersortut oqaatsit pillugit politikkimik ilusiliinissamut pisussaaffilerpai. Suliffeqarfiit namminersortut 10-t inorlugit sulisullit, oqaatsit pillugit politikkiornissamut ilaatinneqanngillat, pinaveersaartinniarlugu namminersorlutik suliffeeqqat naapertuutinnigsumik allaffissornikkut suliffiup angissusianut naleqqiullugu nammagassinnissaat.

Oqaatsit pillugit politikkimut ilaapput, pisortat suliffeqarfiillu oqaatsitigut piginnaaffiinik piginnaasassatullu anguniagaannik qitiutitsilluni tunaartarisassaliat. Aammattaaq oqaatsinut politikkimut imaritinneqarsinnaapput pisortat sullissivianni imaluunniit suliffeqarfiup suleriaasissaanut tunaartarisassat tigussaanagerusut, assersuutigalugu avammut attaveqatigiinnermut nutserisitsisarnermullu naleqqiullugit.

Inatsimmi aalajangersarneqarpoq oqaatsit pillugit politikkimik ilusiliinissamut pisussaaffik, kisiannili oqartussaaffimmut suliffeqarfiimmulluunniit oqartussaaffiup suliffeqarfiulluunniit pisariaqartitai aallaavigalugit naleqqussaanissamut periarfissiisoqarluni.

Oqaatsinut politikki pillugu Inatsisartut inatsisaanni tallimanik assigiinngitsunik assersuuteqarpoq oqaatsinut politikkimik ilusilersuinnermut kaammattuutit, tassaanaatillu oqaatsit pillugit politikkimut imarititassatut piumasaqaatit.

Nr. 1-mut

Oqartussaaffiup imaluunniit suliffeqarfiup oqaatsitigut piginnaasanik nalunaarsuineq, oqaatsitigut piginnaasanik oqartussaaffiup suliffeqarfiulluunniit pigeriigaanik ersersitsisinnaavoq. Taama nalunaarsuinnermut imaritinneqarsinnaapput sulisorisat ilitsoqqussaralugu oqaasii, oqaasiisa aappaat allamiulluunniit oqaasiinik piginnaasaat pillugit paasissutissat, taakkununga ilanngullugit teknikkikkut oqaatsinik aamma suliamut tunngasumik taaguusersuutininik ilisimasaqassuseq. Aamma oqaatsitigut piginnaasanik nalunaarsuinerup imarisinnaavai sulisut ilinniagaqarnermikkut tunuliaqutarisaat kalaallit oqaasiini, danskit oqaasiini aamma allamiut oqaasiini.

Nr. 2-mut

Oqartussaaffiup suliffeqarfiullu ingerlatsineranni allamiut oqaasiinik kulturiinillu piginnaasanik atuinerup nassatarisinnaavaa sulisut ataasiakkaat ulluinnarni oqaatsitigut kulturikkullu piginnaasaannik ersersitsineq. Assersuutigalugu tassaasinnapput sumiorpaluutininik ilisimasaqarneq, allamiut oqaasiinik allamiullu kulturiinik ilisimasaqarneq.

Nr. 3-mut

Oqartussaaffiup imaluunniit suliffiup oqaatsitigut avammut ersertera pisinnaavoq oqartussaaffiup suliffiulluunniit avammut attaveqarneratigut. Tamanna ersersinneqarsinnaavoq assersuutigalugu oqaatsit assigiinngitsut - kalaallit oqaasii ilanngullugit - atorlugit sullissinermut, ilisaritinniarnermut nittarsaassinermullu atasumik.

Nr. 4-mut

Suliffiup iluani avammullu attaveqatigiinnermi najoqqutassat imarisinnaavaat, oqaatsit suut pisuni aalajangersimasuni atorneqarnissaat pillugit paasissutissat, tassunga ilanngullugit nutsikkani teknikkikkulluunniit oqaatsinik sulisunut, sullitanut, atuisunut imaluunniit innuttaasunut naleqqussakkanik atuneq aamma oqaatsitigut aporaattoqalersillugu iliuusissanut tunaartarisassaliorneq.

Nr. 5-mut

Piginnaasassatut anguniakkat nalunaarsinnaavaat oqaatsinik aalajangersimasunik pisariaqartitsineq, sulisut oqaatsinik ilinniarnissaminut periarfissaat, oqaatsitigut siammarterinermik isumaqatigiinniarnermillu ilinniartitsineq, kiisalu oqaatsitigut piginnaasassani inuup ataatsip oqaatsitigut ineriartornera pillugu isummerfiginninneq.

§ 4, stk. 3

Aalajangersakkami aalajangersarneqarpoq sulisitsisoq pisussaaitaasoq sulisuminik immikkut tassungaannarlu tunngasumik oqaloqatiginnissalluni oqaatsinik aamma kalaallit kulturiannik, oqaluttuarisaanermik inuiaqatigiinnilu pissutsinik ilinniartitaanissamut pisariaqartitsisoqarnerasoq.

Oqaloqatigiinnermi pineqartumi ilaatigut sulisup pisariaqartitaanik qulaajaanissaq taamalu ililluni pisariaqartitat taakku isumagineqarnissaannut suliniutinik aallartitsinissamut tunngavissaqalernissaq siunertaavoq.

Oqaatsimi "immikkut tassungaannarlu tunngasumik" erseqqissarneqarpoq oqaloqatigiinneq sulisunik tamarluinnarnik immikkut pissasoq taamaalillunilu sulisup pineqartup pisariaqartitaanut taamaallaat tunngalluni.

Oqaaseq "oqaatsinik atuartinneqarnissamik pisariaqartitsineq" isumaqarpoq aamma kalaallisut, danskisut tuluttullu allaanerusunik atuartinneqarnissamik pisariaqartitsisoqarsinnaasoq.